

1 Ënëx ca upí bana, Jesucristo ñui anu banai quicë, a 'icën. Jesucristo, áx ca Diosan bëchicë 'icën. **2** An Diosan cacëxun uni ñuixuncë uni, Isaías cacë, án ca quiricanu ësaquin bana Cuënëocëxa: "¡Ca cuat! 'Ën cana 'ën uni xutin, míx tsiáncuatsimainun ca áx rëcuëncuatsinia, míxmi anún cuanti bai mëníoti ca rëcuëncuatsinia. **3** Anu uni 'icëma menuax ca a uníx bana ñui munuma quia: Nucën 'Ibu, áxa anún cuanti bai, a ca mëníoquin racanat!" Ësaquin cuënëocëxa Isaíasnën. **4** Isaíasnën quiricanu 'acësaribi oquin caísa Juan án uni nashimicë, áx ca anu uni 'icëma menu 'iacëxa. Anu uni bana ñuixuni quiacëxa: Míx 'uchaquinbi camina a manuquin tanquin Diosmi chiquiracëcë 'iti 'ain camina